

*Pacif. §. 147.* Dictavi scribit ad *Systema Celeberrimi Viri §. 4. loc. 14.* vitam corporis non dependere à vitâ animæ, cum tota natura, pro ut ipsum corpus, ita & vita corporis & anima & vita animæ differt. Vitam enim corporis consistere in Motu sanguinis & Spirituum; vitam verò animæ in Cogitatione. Erroneum inquit *Cartesius* est credere animam dare Motum & calorem corpori. Quæ sententia falsæ hypothese est superstructa, nempe vitam corporis consistere in Motu sanguinis & Spirituum, vitam verò animæ in cogitatione. Nam primò una est vita animæ & corporis, & sicut anima habet vitam per se & essentialiter, ita sese sua entitate communicando corpori tanquam forma, eandem quoque corpori communicat, nec duplex vivens homo, quod admittendum, si duplici gauderet vitâ, nec anima forma assistens, quæ tantum Corpus dirigat, moveat, & regat tanquam Rector vel Nauta in Navi. *Secundò* falsum est vitam corporis consistere in Motu sanguinis & Spirituum, prodit sese per illum Motum, sed non consistit in illo formaliter, unde enim probabitur hoc paradoxo, & num non vita dicit actum primum, non tantum secundum in suâ latitudine. *Tertiò* falsum illud de vita animæ, quod consistat in cogitatione, adeoque animam, vitam & cogitationem simpliciter identificari, cum tamen sint distinctissima, ut mirum Philosophos & Theologos *Cartesianos*, qui omnia per distinctos conceptus expedire intendunt; hic ut Coquos omnia miscere & jura quæ proponunt confundere.

## C A P U T VII.

### DE PROVIDENTIA DIVINA.

*Quomodo instituendi sint illi qui de providentia*

*DEI maximè circa res humanas dubitant?*

**E**Xercuit in tentationibus non unus aut alter sed plures scrupulî etiam Viros pios & sanctos de providentia divina. Ita enim *Jobus c. 21. v. 7. & 8.* ita *David Ps. 73. v. 2. & 3.* ita *Jeremias cap. 12. v. 1. 2. 3.* in *Gentilismo* consimiles querelæ utramque sæpius fecerunt paginam.

*Marmoreo Licinus tumulo iacet: at Cato parvo  
Pompeius nullo: credimus esse DEOS*

*Efff 3*

*Cum*